

✠
HOMILIA

DICENDA IN MATUTINIS,
IN FESTIS UNIUS MARTYRIS NON PON-
tificis, quando in eis dicitur Missa In-
virtute tua.

Lectio Sancti Evangelii secundum Mathæum.

Lectio vii. Cap. 10. d.

IN illo tempore: Dixit Jesus discipulis suis:
Nolite arbitrari, quia pacem venerim mit-
tere in terram: non veni pacem mittere, sed
gladium. Et reliqua.

Homilia Sancti Hierónymi Presbyteri.

Lib. I. in Matth. cap. 10.

Suprá dixerat: Quod dico vobis in tene-
bris, dicite in lúmine; & quod in aure
auditis, prædicate super tecta: nunc infert
quid post prædicationem sequatur. Ad fidem
Christi totus orbis contra se divisus est, una-
quæque domus & infidéles & credentes ha-

buit: & propterea bellum missum est bonum,
ut rumperetur pax mala. Tale quid & in
Génesi adversus rebelles homines, qui mo-
ti fuerant de Oriente, & turrem extruere
festinabant, perquam cœli alta penetrarent,
fecisse scribitur Deus, ut divideret linguas
eorum.

R. Corôna aurea super caput ejus,

* Expressa signo sanctitatis, glória honô-
ris, & opus fortitudinis.

Y. Quoniam pravenisti eum in benedictio-
nibus dulcedinis, posuisti in capite ejus
coronam de lapide pretioso. Expressa sig-
no sanctitatis.

Lectio viij.

Veni enim separare hominem adversus
patrem suum. Hic locus prope iisdem
verbis in Michæa Propheta scribitur. Et no-
tandum, ubicumque de veteri Testamento
testimonium ponitur, utrum sensus tantum,
an sermo consentiat. Qui amat patrem aut
matrem plus quam me, non est me dignus.
Qui ante præmiserat: Non veni pacem mit-
tere, sed gladium, & dividere homines ad-
versus patrem & matrem, nurum & socrum,
ne quis pietatem religioni antefert, subje-
cit, dicens: Qui amat patrem aut matrem

DIE IV. JUNII.

IN FESTO
SANCTI FRANCISI,
CARACCIOLO.

Confessoris & Congregationis Cleric.
Regular. Minor. Fundatoris.

Ex præcept. SS. Dñi Pii VII die V.

August. 1807.

DUPLEX.

*Omnia de Commun. Confess. non Pontif.
præter ea quæ sequuntur.*

ORATIO.

DEUS, qui B. Franciscum novi Ordinis
Institutorem orandi studio, & penitentiae
amore decorasti; da famulis tuis in ejus imi-
tatione ita proficere, ut semper orantes, & cor-
pus in servitutem redigentes ad coelestem Glo-
riam pervenire mereantur. Per Dominum. &c.

IN I. NOCTURNO.

Lect. de Script. occurrent.

IN II. NOCTURNO.

Lectio IV.

FRANCISCUS dictus antea Ascanius, ex no-
bili Familia Caracciolo in oppido Sanctæ Ma-

riæ de Villa in Aprutio ortus, á primis annis eximio enituit pietatis cultu. Adolescens graviter ægrotans statuit se se prorsus Dei, proximique mancipare servitio. Mox Neapolim profectus, Sacerdotio initiatus, sacroque adscriptus sodalities, contemplationi, lucrandisque animabus se totum devovit, ac extremo supplitio damnatis hortatorem se præbuit assiduum. Contingit autem, ut epistolium altari destinatum ei per errorem redderetur, quo á piissimis viris Joanne Augustino Adorno, & Fabricio Caracciolo ad novi Religiosi Instituti foundationem vocabatur: rei novitate captus, & divinæ voluntatis demiratus consilia, alacri animo se se illis adjunxit. Conditis autem in Camaldulensium eremo, quo secesserant, novi Ordinis legibus, in Romam simul profecti, confirmationem á Sixto Quinto impetrarunt, qui eosdem Clericos Regulares Minores appellari voluit, addito ad tria consueta altero de non ambiendis Dignatibus voto. Tu autem, &c.

Re. Honestum, &c.

Lectio V.

Solemni emissa professione, ob singularem ejus in Divinum Franciscum Assisinate cultum Francisci nomen assumpsit. Adorno bienio post vita functo, ipse toti Religioni quamquam invitatus præficitur, quo in munere virtutum omnium præclara præbuit exempla. Ins-

tituti amplificandi studiosissimus id assiduís orationibus, lacrymis, & jugi corporis maceratione enixe á Deo postulabat. Quamobrem tertio in Hispaniam se contulit peregrini habitu indutus, victumque ostiatim mendicans. In itinere asperrima quæque perpessus, Omnipotentis auxilium mirum in modum expertus, navim, quam conscenderat ab imminente naufragio orationis præsidio servavit incolumem. Ut in Regnis illis voti compos fieret plurimum laboravit, sed ejus sanctitatis fama prælucente, amplissimaque Catholicorum Regum Philippi Secundi, & Philippi Tertii munificentia, adversariorum conatibus singulari animi fortitudine superatis, plura sui Ordinis domitilia fundavit: quod pari eventu per Italiam præstitit. Tu autem, &c. R. Amavit eum.

Lectio VI.

Humilitate adeo excelluit, ut Romam veniens in pauperum hospitio receptus se leproso sociaverit, & Ecclesiasticas dignitates á Paulo Quinto sibi oblatas constantissime recusaverit. Illibatam perpetuo servavit virginitatem, effrontesque mulieres ejus castimoniæ incidiantes Christo lucrifecit. Erga divinis, simul Eucharistiæ mysterium ardenti æstuans amore noctes pene integras in ejus adoratione insomnes ducebat, quod pium exercitium veluti sui Ordinis tesseram in eo perpetuo ser-

vandum constituit, Deiperæ Virginis cultum
impense fovit: In proximum eximia exersit
charitate. Prophetiæ dono & cordium scruta-
tione ditatus fuit. Quadragesimum quartum
ætatis suæ annum agens, dum in Sacra Laure-
tana æde in oratione persisteret, sivi vitæ fi-
nem imminere cognovit. Aprulium statim de-
flexit, & Agnoni Apud alumnos Sancti Phi-
lippi Neri lethali febre correptus, Sacramentis
Ecclesiæ devotissime susceptis, pridie nonas
Junii anni millesimi sexcentissimi octavi in per-
vigilio festi Corporis Christi placidissime ob-
dormivit in Domino. Sacrum ejus Corpus Nea-
polim delatum in Ecclesia Sanctæ Mariæ Ma-
joris, ubi prima sui Ordinis jecerat fundamen-
ta honorifice conditum fuit. Eum postea mira-
culis clarum Clemens XIV. Pontifex Maximus
solemni ritu inter beatos, Pius vero septimus
Pontifex Maximus novis fulgentem signis an-
no millesimo octingentesimo septimo Sancto-
rum albo adscripsit. Tu autem, &c.

R. Iste homo, &c.

IN III. NOCTURNO.

*Homil. in Evang. Sint. Lumbi. de Comm.
Confes. non Pontif. I. loco.*

*Mis. Os just. de eodem Comm. I. oratio
propia.*

plús quám me. Et in Cántico lègimus canti-
corum : Ordinavit in me charitatem. Hic
ordo in omni affectu necessarius est : ama
post Deum, patrem, ama matrem, ama filios.
R. Hic est veré martyr, qui pro Christi nó-
mine sánguinem suum fudit : * Qui minas
júdicum non tímuit, nec terrénæ dignitátis
glóriam quesivit, sed ad cœlestia regna per-
vénit. †. Justum deduxit Dominus per vias
rectas, & ostendit illi regnum Dei. Qui mi-
nas. Gloria Patri. Qui minas.

Lectio ix.

ORdo pulchérissimus : ad prædicationem
mittit, docet pericula non timenda,
affectum súbjicit religióni. Aurum supra tú-
lerat, æs de zona excuserat : dura Évange-
listárum conditio. Undé ergo sumptus, undé
victus necessária ? Austeritatem mandatorum
spe temperat promissorum : Qui recipit, in-
quiens, vos, me récipit : & qui me récipit
recipit eum qui me missit : ut in suscipiendis
Apostolis unusquisque credéntium Chris-
tum se suscepisse arbitretur.
Te Deum Laudámus.

Illerdæ : Typ. Bonaventuræ Corominas.